

西青散記



〔清〕史震林 著

西青散記

北京市中国书店

据上海广智书局 1907 年版影印

西 毒 散 记

北京市中国书店出版
北京市新华书店发行 赵全营 燕峰胶印厂印刷

787×1092 1/32 12 25印张
1987年3月第1版 1987年3月第1次印刷
印 数: 0,001—3,000
定 价: 2.50元

西青散記序之前

玉勾詞客
吳震生鰥叟

弄月仙郎喟然而嘆曰。嗟乎哉。佳人之薄命也。余悲之痛之矣。夫天之生佳人也。非如生地耳。石髮溪毛。湖目蝦姑。鼠婦之易也。又非如生人面桃。胭脂李。蛾眉豆。姊妹花之多也。恐其不艷。與之色。恐其不慧。與之才。恐其不幽。與之情。恐其不貞。與之德。而佳人亦無有不稽顙北辰。泣謝天恩者也。乃與之色。而負其艷。與之才。而負其慧。與之情。而負其幽。與之德。而負其貞。而佳人於是乎。無聊宛轉。而不欲生矣。蓋吾之痛佳人者。有六焉。靜掩寒閨。未親香翰。白非傳粉。紅不施朱。誤聽鳩媒。嫁爲鴉婦。瘖如吞炭。癘若漆身。則痛此無才有貌之佳人。別含清韻。頗乏華容。暗辨琴言。微廢禽語。降茲女士。儷彼頑童。啄木嘴長。鳳皇毛短。則痛此有才無貌之佳人。錦可回文。花工解語。蕙心

純質。獨立無雙。父愛黃金。母拋白玉。將軍腹負老子頭童。則痛此有才有貌之佳人。厭習微詞。羞爭巧笑。心懷冰雪。姿映松篁。黃裡無恩。綠衣擅寵。小星犯月。衆草欺蘭。則痛此無才無貌之佳人。花間誤蝶。月下疑仙。碧落情多。紅塵氣少。琵琶塞北。箕帚江南。鸚鵡難言。海棠空睡。則痛此人間絕世之佳人。千樹桃花。萬年靈藥。芙蓉脂肉。罨畫樓臺。心憶章郎。意憐蕭史。銀潢易隔。玉宇長扃。則痛此天上絕世之佳人。夫色期艷。才期慧。情期幽。德期貞者。以有愛其色。憐其才。感其情。敬其德者也。亦既艷矣。慧矣。幽且貞矣。而愛之憐之。感之敬之者。乃與佳人大相反者也。則其所以爲愛爲憐。爲感爲敬者。必非佳人之知己者也。夫佳人之意。亦甚可憐矣。彼固自知紅顏薄命。而其閣淚不垂。鎖唇莫訴者。夫豈敢有奢望哉。色不敢望其如己之艷。庶免於陋。而不至於人笑。獼猴世憎。蝌蚪斯幸。甚者也。才不敢望其如己之慧。庶免於俗。而

不。至。於。筆。沾。銅。臭。語。帶。酸。斯。幸。甚。者。也。情。不。敢。望。其。如。己。之。幽。庶。免。於。薄。
而。不。至。於。同。心。負。義。割。臂。寒。盟。斯。幸。甚。者。也。德。不。敢。望。其。如。己。之。貞。庶。免。於。
穢。而。不。至。於。蕩。子。娼。樓。變。童。別。館。斯。幸。甚。者。也。所。謂。佳。人。之。知。己。者。雖。不。能。
如。佳。人。之。艷。之。慧。之。幽。之。貞。而。心。中。口。中。夢。中。病。中。笑。中。哭。中。無。非。佳。人。之。
艷。之。慧。之。幽。之。貞。者。也。更。無。有。所。謂。之。艷。之。慧。之。幽。之。貞。者。也。即。別。有。之。矣。
而。心。中。口。中。夢。中。病。中。笑。中。哭。中。亦。未。嘗。因。彼。佳。人。而。須。臾。忘。此。佳。人。者。也。
即。有。生。以。來。未。嘗。一。見。佳。人。之。如。何。艷。如。何。慧。如。何。幽。如。何。貞。而。心。中。口。中。
夢。中。病。中。笑。中。哭。中。亦。未。嘗。須。臾。而。不。懸。想。一。絕。世。之。艷。絕。世。之。慧。絕。世。之。
幽。絕。世。之。貞。者。也。即。懸。想。者。人。間。之。佳。人。雖。天。上。之。佳。人。亦。不。能。勝。之。者。也。
即。懸。想。者。天。上。之。佳。人。雖。人。間。之。佳。人。當。必。有。似。之。者。也。即。懸。想。者。人。間。天。
上。皆。無。如。是。絕。世。之。佳。人。而。心。中。口。中。夢。中。病。中。笑。中。哭。中。魂。陽。格。天。魄。陰。

格地。天地亦將爲之特生。一絕世之佳人。以慰之。報之者也。卽天地之力。終不能爲之特生。一絕世之佳人。而魂陽格天。魄陰格地。亦將誓於來世。而自化爲絕世之佳人。而自甘心爲薄命者也。夫自有生以來。不幸而不見人間之佳人。必吾之福不足。以見之者也。乃自有生以來。大幸而忽見天上之佳人。必吾之誠有足。以感之者也。卽吾已見天上之佳人。而其心中口中。夢中病中。笑中哭中。不忍須臾而忘人。間之佳人者也。夫佳人之心中。靈思如藕。不屑爲吾而牽。佳人之口中。香津如蜜。不屑爲吾而吐。佳人之夢中。芳魂如雲。不屑爲吾而斷。佳人之病中。弱體如綿。不屑爲吾而迴。佳人之笑中。秀靨如花。不屑爲吾而開。佳人之哭中。清淚如珠。不屑爲吾而墮。而吾之心中。口中。夢中病中。笑中哭中。愛之憐之。感之敬之之誠。雖至於心死口瘖。夢迷病劇。笑冷淚枯。終不忍須臾而或忘者也。嗟乎哉。西青散記者。天上佳人之書。

也。吾蓋知夫天上佳人者之卽爲人間之所升也。吾蓋知夫人間佳人者之卽爲天上之所降也。有白羅不意有清華。有清華不意有碧夜。有碧夜不意有夢娘。有夢娘不意有蕭紅。吾蓋知夫不意有者之正多也。有蕭紅不能忘夢娘。有夢娘不能忘碧夜。有碧夜不能忘清華。有清華不能忘白羅。吾蓋知夫不能忘者之正多也。夏之日。冬之夜。星之旁。月之側。忽忽而來。忽忽而去者。天上之佳人。而人間之佳人。則不能也。天上佳人之所以忽忽而去。忽忽而來者。亦以其艷其慧。其幽其貞。不忍委之於不見不聞之地。而必欲人間之人知之也。吾蓋知夫天上之人。未必愛之憐之。感之敬之。無可奈何而望之人間之人也。吾蓋知夫人間之人。終不能盡知。而不艷不慧。不幽不貞之人。且囂然羣議而指爲花之妖。木之魅也。吾蓋知夫必有佳人之艷之慧之幽之貞。而後能愛之憐之。感之敬之也。嗟乎哉。夏之日。冬之夜。星之旁。月之

側。人。間。絕。世。之。佳。人。自。愛。其。色。自。憐。其。才。自。感。其。情。自。敬。其。德。忽。忽。而。生。忽。忽。而。死。無。聊。宛。轉。於。閒。門。窮。巷。之。中。而。絕。世。之。才。子。不。得。而。見。不。得。而。聞。而。見。之。聞。之。者。皆。絕。世。之。不。艷。不。慧。不。幽。不。貞。之。人。也。吾。蓋。知。夫。人。間。之。人。皆。不。能。知。而。亦。將。望。之。天。上。之。人。一。知。之。也。

西青散記序之後

玉勾詞客
吳震生
錄

弄月仙郎喟然而嘆曰。嗟乎哉。佳人之薄命也。余慰之。勸之矣。以彼色之艷。才之慧。情之幽。德之貞。圓天方地之中。有不愛之憐之。感之敬之者哉。夫天地生物之功。原不省於生人也。天地生人之力。原不費於生物也。以太虛之中而生物。以萬物之中而生人。亦隨其陰陽之氣。網緼化生。而非如巧匠神工。經營之。追琢之也。天地之生人。生物。豈能使之各得其所。而絕無所憾哉。吾見螺蚌蝸蚓之屬。而哀之矣。物皆有足。天獨不爲彼生足。酷日驟雨奔蹄疾輪。不能趨避。而徐以腹行也。吾見馬牛犬豕之屬。而哀之矣。人則有手。天獨不爲彼生手。短芻腐豆。餘羹殘粒。不能攫取。而俯以舌舐也。魚鼈之屬。鱗介相似。無所謂好醜也。然自魚鼈觀之。必有鱗介中之佳人也。則必有鱗介

中之薄命也。雉兔之屬。毛羽相似。無所謂妍媸也。然自雉兔觀之。必有毛羽中之佳人也。則必有毛羽中之薄命也。文采爛斑者。物之色。彼固以爲艷也。翩翩睨睨者。物之才。彼固以爲慧也。比翼交頸者。物之情。彼固以爲幽也。孳尾應時者。物之德。彼固以爲貞也。夫於萬物之中。而爲人。於人之中。而爲佳人。於佳人之中。而爲絕世之佳人。命已厚矣。福已備矣。天地之力。亦已竭矣。蓋天地生物。可以無心而生。祥禽瑞草。則不能無心。天地生人。可以無意而生。才子佳人。則不能無意。恐其不艷。與之色。恐其不慧。與之才。恐其不幽。與之情。恐其不貞。與之德。天地之力。不能從容而爲此也。與之色。不負其艷。與之才。不負其慧。與之情。不負其幽。與之德。不負其貞。天地之力。愈不能從容而爲此也。夫天地既竭其力而生一絕世之佳人矣。而又必生一絕世之才。子以愛之。憐之。感之。敬之力。固有所不足也。乃佳人則自以爲負吾艷。不如

無色。負吾慧。不如無才。負吾幽。不如無情。負吾貞。不如無德。而佳人於是乎。怨天矣。夫天之於佳人也。既有心生之。而必有心苦之。則天之意不然。既無心苦之。而必有心救之。則天之意不然。既無心救之。而竟有心棄之。則天之意不然。天既生至艷至慧至幽至貞之人。而徒供不艷不慧不幽不貞之人。以玩之。則天之意不然。既生不艷不慧不幽不貞之人。而必強至艷至慧至幽至貞之人以奉之。則天之意不然。而佳人於是乎尤人矣。夫人遇至艷至慧至幽至貞之人。而不知愛之憐之感之敬之。則人之意不然。愛之憐之感之敬之。而不望佳人之相愛相憐相感相敬。則人之意不然。愛之憐之感之敬之。而自以爲非佳人之配。而求一絕世之才子以贈之。則人之意不然。而佳人於是乎不必怨天不必尤人矣。夫以絕世之佳人。而遇夫絕世不佳之人。斯豈能不怨不尤哉。雖然。不忍怨。不忍尤也。吾於夙世。容貌殘陋。爲人所

棄。寒餓無依。彼獨收我。誓願。今世。化爲。艷色。以報之者也。吾於夙世。心智愚呆。爲人所欺。輾轉陷阱。彼獨援我。誓願。今世。化爲。慧才。以報之者也。吾於夙世。情誼。佻薄。棄舊憐新。我負彼心。彼爲我死。誓願。今世。化爲。幽情。以報之者也。吾於夙世。德性。邪漓。匍匐囹圄。將就刀鋸。彼於我。寬。誓願。今世。化爲。貞德。以報之者也。譬如今世。我有艷色。憎彼無色。彼心痛楚。自傷形穢。以至於死。終無益。我薄命之色也。譬如今世。我有慧才。憎彼無才。彼心痛楚。自傷智短。以至於死。終無益。我薄命之才也。譬如今世。我有幽情。憎彼無情。彼意不悛。自甘薄倖。我望其死。此固非我。絕世之情也。譬如今世。我有貞德。憎彼無德。彼意不悛。自甘賤行。我望其死。此固非我。絕世之德也。而佳人。於是乎有消遣之之法矣。花嬌柳弱。愛我之艷。我色非艷。人固賤之。與草芥等也。無可奈何也。鶯啼燕語。憐我之慧。我才不慧。人固輕之。與鷄鶩等也。無可奈何也。風

清月皎。感我之幽。我情不幽。人固厭之。與煙塵等也。無可奈何也。松堅竹秀。敬我之貞。我德非貞。人固棄之。與荊棘等也。無可奈何也。夫爲不艷不慧不幽不貞之人。而無可奈何。則不如爲至艷至慧至幽至貞之人。而無可奈何也。爲至艷至慧至幽至貞之人。而錯配於不艷不慧不幽不貞之人。以無可奈何。猶勝於爲不艷不慧不幽不貞之人。而愛憎於至艷至慧至幽至貞之人。之更無可奈何也。無可奈何。而錯配於不艷不慧不幽不貞之人。天下後世必痛之。哭之。而共悲其無可奈何也。無可奈何。而受憎於至艷至慧至幽至貞之人。天下後世必笑之。唾之。而共鄙其無可奈何也。無可奈何。而爲人間之佳人。則彼爲天上者幸也。無可奈何。而爲天上之佳人。則亦與人間者同也。無可奈何。而不願人間。并不願天上。則不如兩忘乎人間與天上也。無可奈何。而不忘天上。又不忘人間。則不如自忘乎絕世之佳人也。嗟乎哉。色

之艷。才之慧。情之幽。德之貞。而得一至艷至慧至幽至貞之人。以愛之憐之。感之敬之。圓天方地之中。蓋甚無有也。人間之佳人。所難天下之佳人。亦難也。色之艷。而自矜其色。才之慧。而自恃其才。情之幽。而誤用其情。德之貞。而誤玷其德。圓天方地之中。蓋甚多有也。人間之佳人。爲之天上之佳人。不爲也。

西青散記序

震亭
曹學詩以甫

空山風雪。柴門老樹之村。破屋藤蘿。石徑荒苔之地。掃松根而跌坐。太素爲心。種蕉葉以揮毫。西青有硯。爰乃搜夫異境。綴以幽辭。鐫舊誓於孤窻。佩新愁於半世水流。花謝四望。銷魂燈爇。酒闌三生。繫夢誰能遣此。低徊芳草之前。若有人兮。縹緲碧雲之末。不堪持贈。勸懲頗寓。微言聊以自娛。賞識或達。知己將有玉樓才子。暫謫人間。金屋麗姝。乍來天上。銀鈎風定。揆荳蔻以忘餐。寶鼎烟微。盥薔薇而若醉。晝靜則通靈茗。腕扼腕高吟。宵寒則停繡鏡。臺憑肩細讀。固可浣仙塵而換骨。猶吞如意之珠。超佛劫以辭胎。似倚無憂之樹。閱輞川之圖畫。痼疾俱消。聞子夜之清歌。奈何頻喚矣。若乃逃名高士。失路英雄。晨興披鶴氅之裘。夜起拭龍泉之劍。挂將牛角。平硯壘於胸中。吟向

鹿門契參同於象外。眼不青。而詩腸貯雪。木榻將穿。頭已白。而俠氣流虹。玉壺空碎。至於枯僧挂笠。迂叟拋鉏。喜心迹之雙清。悟秋波於一轉。鐘徐松院。堪爲半偈。安禪月。緩豆棚。可助三更閒話。甚且挾罡風而飛去。流傳或到蓬山。藏苦霧以携歸。購訪還來海國。蓋願歷三千之世界。憐才收碎墨。零繅因而分。億萬之靈心。說法徧恒沙。淨土或悲或喜。文章曲繪鬚眉。可泣可歌。忠孝潛萌。肺腑醒癡。迷於諧謔。直須大笑橫行。談道學於風流。不必正襟危坐也。且夫鴛鴦早散。繡奩則黃土埋香。鸚鵡先鳴。斑管則白楊蔽彩。畧經寫照。庶湘靈之錦瑟時聞。不有傳神將蜀客之瑤琴永歇。況復耕山釣水。隨時歌詠。太平弄月吟風。到處鼓吹幽雅。將使黃姑河畔。慰怨曠於七襄。處士星邊。起沉淪於四皓。是以探來龍頷。無非照乘之輝。分得鳳毛。即是鳴岐之瑞。茫茫今古。積成感慨。心胸寂寂。江山洗出靈奇面目。豈僅懸枝胸臆。供筆削於